



NAPA

Nunani Avannarlerni
Piorsarsimassutsikkut Attaveqaat

NAPAp Kulturimut tapiissutaasa siunertaat

NAPAp Kulturimut tapiissutaasa
siunertaannut najoqqutassaq

Indholdsfortegnelse

Najoqqutassaq	3
1 Siulequt	3
2 Siunertap suunera aamma anguniakkat pingaarnerit nassuiaatitaallu	3
Anguniakkat	3
2013-2020-mut Nunani Avannarlerni Kulturikkut suliniaqatigiinni periusissaq	4
Suliniutit iliuuseqarfissamitut toqqarsimasai	4
Suliniutit suuneri	4
Suliniutit makku tapiissuteqarfigineqarneq ajorput:	4
Qinnuteqaatinik nalinersuineri maleruagassat	5
Nunanut Avannaamioqatigiinnut attuumassuteqarneq iluaqusersiuinerlu	5
Kikkut qinnuteqarsinnaappat?	6
Qinnuteqaat sunik imaqassava?.....	6
Suliniutinut sinaakkutissat.....	6
3 Aallussami allaffissornikkut aqutseriaaseq	7
NAPAp akisussaaffii pisussaaffiilu	7
Ingerlatseriaaseq.....	7
Suliarineqartarneri	7
Tapeeriaaseq nutaaq.....	8
Tapiiffigineqartunut piumasaqaatit atugassarititat.....	8
Attuumavallaartoqartillugu	8
4 Suliniutip inerneril naliliiffigineqarnerilu	9
Pitsaassutsimut amerlassutsimullu takussutissat	9
5 Oqaatsitigut politikki	10
Qinnuteqariaaseq	10
Qinnuteqaatit	10
Atsioqatigiinnikkut Isumaqaatigiissuteqarneq	10
6 Attaveqaqatigiinneq, paasissutissiineq siunnersuinerlu	10
Nittartagaq.....	10
Facebook.....	10
Imminut ilisaritinnerit paasissutissiisarnerillu	10
Kulturimik suliniutilinnut pulaarnerit.....	10
Nunani Avannarlerni Ministerit Siunnersuisooqatigiit piorsarsimassutsikkut attaveqaataat ..	11

NAPAp Kulturimut tapiissutaasa siunertaat

Najoqqutassaq

1 Siulequt

Nunatsinni Nunani Avannarlerni Piorsarsimassutsikkut Attaveqaat NAPA, 1987-imi ammaramili Nunani Avannarlerni kulturikkut suliniutinut suleqatigiinnissamut kaammattuutitut aningaasanik tapiisalerpoq taamaalilluni Nunatta Nunanilu Avannarlerni nunat akornanni 'kulturikkut ikaartarfiulerluni'. NAPAp malittarisassaani § 2-mi siunertat suliasallu ima nassuiarneqarput:

“Suliffeqarfik kalaallit kulturianik ineriartortitsissaaq immikkut meeqqat inuusuttullu kulturianik suliniuteqartunut suleqatasaassalluni aningaasatigullu tapiissalluni. Tamanna pilersaarusiukkanik sammisassaqtitsinikkut, Kalaallit Nunaanni avataaniluunniit kulturikkut sullisserusuttut suliniutaannut aningaasaliinikkut pisassaaq.”

Najoqqutassami siunertanut sinaakkusiussat politikikkut, aaqqissuussaanikkut aningaasaqarnikkullu periarfissat suunerat kiisalu siamasissusi, imaat suleriaatsillu suunerat atuarneqarsinnaapput.

Siunertaq Nunani Avannarlerni Ministerit Siunnersuisoqatigiivisa politikikkut kulturimut tunngasuni 2013-2020-mut anguniagaannut iliuusissaannullu pituttorsimavoq.

2 Siunertap suunera aamma anguniakkat pingaarnerit nassuiaatitaallu

NAPAp kulturimut tapiissutaasa siunertaat tassaavoq Atlantikup Avannaani kulturikkut inuunerup iluani pilersitsineq, piujuaannartitsineq aamma innuttaasunut tamanut iluaqutissamik peqataatitsisumillu sulianut aningaasaliinerit.

Anguniakkat

- NAPAp kulturimut tapiissutaasa suliniutit Nunani Avannarlerni kulturikkut inuiaqatigiinni inuunerup aamma meeqqanik inuusuttunillu peqataatitsisut inissaqartitsisullu tapersersussavai
- NAPAp kulturimut tapiissutaasa kulturimi nutaaliornernik takussutissiisut Nunani Avannarlerni kulturikkut suleqatigiinnermik soqutinnissinnaasunut nutaanut siammartissavai sapinngisarlu tamaat innnut kattuffinnullu amerlasuunut siaruarterissalluni.
- Kulturimut tapiissutit kulturikkut inuuneq aamma inuiaqatigiinni kulturi piujuaannartitsineq tunngavigalugu siuarsarneqassaaq. Taamaalilluni NAPAp kulturi sukarsuit inuiaqatigiinni napatitsisutut sisamaattut isigaa.

Suliniutit suliallu allat kalaallit kulturianut attuumassuteqassapput tassaassallutillu Kalaallit Nunaata Nunanilu Avannarlerni nunat sinnerisa kulturikkut ikaartarfiat.

2013-2020-mut Nunani Avannarlerni Kulturikkut suliniaqatigiinni periusissaq

Nunani Avannarlerni Ministerit Siunersuisoqatigiivisa 2013-miit 2020-mut periusissatut siunnerfimminnik ima tulleriissaaripput:

- Nunani Avannarlerni Piujuartitsineq
- Nunani Avannarlerni Isumassarsiullaqqinneq
- Nunani Avannarlerni Kulturit Naapinnerat
- Nunani Avannarlerni Inuusuttut
- Nunani Avannarlerni Qarasaasiat Atornerat

Suliniummi iliuuseqarfissamitut toqqarsimasai

NAPAp qulaani taagorneqartut akornanni kulturikkut suliniummini iliuuseqarfissamisut uku pingasut toqqarsimavai:

- Nunani Avannarlerni Piujuartitsineq
- Nunani Avannarlerni Kulturit Naapinnerat
- Nunani Avannarlerni Inuusuttut

Qulequttat taakkua pingasut toqqarneqarsimapput NAPAp malittarisassaani suliffeqarfiullu suliniutiginiagaanut siunnertaanullu tunngammata. Kulturikkut tapiissutinik agguasoqassatillugu tulleriissaakkat tallimat tamakkerlutik Nunani Avannarlerni suleqatigiittoqassatillugu ammaffigineqarput, immikkulli NAPAp toqqartukkani pingasut pingaarnertut iliuuseqarfigissavai.

Suliniutit suuneri

NAPAp kulturimut tapiissutigisartagai marlunnet avinneqarsinnaapput. Ilaat Nunani Avannarlerni kulturikkut suliniutinut suleqataasussallu angalanissaannut tapiissutaapput, sinneri suliniutip pilersaarusiorneranut piviusunngortinniarnanullu tapiissutaallutik, tassa suliniutip iliuuseqarfissat pingasuusut ilaat ataaseq arlallilluunniit aallaavigippagit.

Suliniutip immikkoortortai sapinngisamik pilersaarusiorluakkamik piffissalersorsimassapput aningaasallu atugassat missingersuusiorluarsimassallutik. NAPAmut qinnuteqaammi aamma tapiissuteqarnermut atatillugu allakkiami aningaasat tapiissutaasut angalanermut imaluunniit suliniummut aningaasartuutissanut tapiissutaanerat erseqqissarsimassaaq.

Suliniutit makku tapiissuteqarfigineqarneq ajorput:

Piffissaq

- Suliniutit aallartereersut
- Suliniutit naammassereersut
- Suliniutit aalajangersimasumik piffissalernerqanngitsut
- Suliniutit sammisallu uteqqiattut, aamma suliniutit siuariaatinik nutarsaanernillu takussutissiisinaasut

Imarisat

- Ilisimatusarluni suliniutit
- Suliniutit timersornermik sammisallit
- Suliniutit eqqumiitsuliornermut kulturimulluunniit attuumassuteqanngitsut

Aningaasaqarneq

- Peqatigiiffiit kattuffiillu ingerlanneqarnerat amigartoorutilluunniit
- Suliniutit aningaasaqarnermut piumasaqaatitallit (ass. suliniutaasimasut amigartoorutaannut matussutissat)
- Suliniutit aningaasatigut iluanaarniarnermik siunertallit.

Qinnuteqaatinik nalinersuinermi maleruagassat

Suliniutinut qinnuteqaatit tamarmik – aningaasartaasa qassiunerat apeqqutaatinnagu - uku maleruagassat malillugit aalajangiiffiqineqartarput:

- Nunanut Avannarlernut tunngassuteqassaaq iluaqutaallunilu
- Nunanut Avannarlernut tunngatitaassaaq – suliniut Kalaallit Nunaannut minnerpaamillu Nunani Avannarlerni nunat arlaannut imaluunniit nunat namminersorlutik oqartussaarnermik ingerlatsisut arlaannut minnerpaamik ataatsimut tunngassaaq. Suliniut kalaallinut nunallu avannaamioqatigiinnut allanut Nunat Avannarliit suleqatigiinnerannik soqutiginnilersitsisuussaaq
- Suleqatigiumaagassat suliniummut attuumassuteqartuussapput

Taakku saniatigut, suliniutip saqqumilaartinneqarnissaa pingaartinneqarpoq suliniutillu allatigut aningaasalorsorneqarnissaa aamma qulequttanut pingaarnernut - Meeqqanut Inuusuttunullu, Naligiisitaanermut Piujuannartitsinissamillu ineriartortitsinermut – tunngassuteqarnissaa pingaartinneqarpoq.

Qinnuteqaatinik nalilersuinermi maleruagassat angalanernut suliniutinullu tapiissutinut qinnuteqarnerni atuupput.

Nunanut Avannaamioqatigiinnut attuumassuteqarneq iluaqusersiunerlu

Suliniutinut qinnuteqaatit Nunanut Avannarlernut tunngassuteqarnerat iluaqutaassusaallu uku maleruagassat malillugit aalajangiiffiqineqartarput:

- Suleqatigiinnissamik siuarsaaneq Nunanilu Avannarlerni peqataatitaasut imminnut attaveqatigiilernissaat
- Nunani Avannarlerni ataasiakkaani tamaginnilu nunat avannarliit kulturikkut inuunerannik nukittorsaaneq
- Nunani Avannarlerni kulturikkut ataatsimoorussanik assigiinngissutinillu paasinnilernissamik suliniuteqarneq
- Suliniut Nunani Avannarlerni nunat arlaannit nunalluunniit namminersorlutik oqartussaarnermik ingerlatsisut nunat arlaannit minnerpaamik marlunnit (Qallunaat Nunaat, Sverige, Norge, Finland, Kalaallit Nunaat, Savalimmiut Ålandiluunniit) suleqatigiissutigineqassaaq. Peqataasut sumiuunerat NAPAp isiginiarneq ajorpaa, sumili najugaqartutut nalunaarsorneqarsimanerat apeqqutaatittarlugu. Peqataasussat kattuffiilluunniit "aallartitaat" qinnuteqaateqarsinnaapput. Tassa kulturikkut suliniutinut tunngatillugu qinnuteqarsinnaanermut piumasaqaatit minnerpaaffiat.

Nunanit Avannarlernerisut nunani allani suliniutini peqataasussaasimappata, qinnuteqaammi , Nunanut Avannarlernut attuumassuteqartuunera erseqqissumik nassuiarneqarsimassaaq.

Kikkut qinnuteqarsinnaappat?

Kulturimut tapiissutaasartut inuussutissarsiutigalugu, sunngiffimmi piomassutsimilluunniit eqqumiitsuliornikkut kulturikkullu suliniutilinnut tamanut ammapput. Qinnuteqartut inuit ataasiakkaajusinnaapput imaluunniit eqimattakkaajullutik, kattuffiullutik, suliffeqarfiullutik peqatigiiffiullutilluunniit.

Qinnuteqaat sunik imaqaassava?

NAPAp nittartagaanut uunga <https://www.napa.gl/sog-napa/> iserluni, qinnuteqaat toqqaannartumik immersorneqarsinnaavoq tassuunalu nassiullugu. Qinnuteqaat aniseriarlugu assaannarmik allallugu immersoriarlugu pdf-nngorlugu aamma nassiunneqarsinnaavoq. Qinnuteqaat tamakkiisoq paasissutissanik makkuninnga imaqaassaaq:

- Suliniutip nassuiarneqarnerani suliniut NAPAmi iliuseqarfissat pingasuusut ilaannut ataatsimut arlalinnulluunniit attuumassuteqarnera erseqqissarneqarsimassaaq
- Missingersuusiaq tamakkiisoq, suliniummi akiligassat, isertitassat namminerlu akiliutiginiakkat ilanngullugit suliarineqarsimassaaq
- Suliniutip immikkoortortaasa tamarmik qaqugukkut pinissaasa nalunaarusiornerat
- Peqataasut tamakkerlutik CV'vi (pappialat sulerisimanerminnik uppernarsaataat)
- Suleqatigisassanut isumaqatigiissutit/atsioqatigiinnikkut isumaqatigiissutit allallu suliniummut tunngatillugu suleqatigiinnermut uppernarsaatit kopiivi
- Soqutigisaqatit suliniummut tapersiinerminnik oqaaseqaataat

Suliniutinut sinaakkutissat

Aningaasaqarneq

Suliniut oqimaaqatigiissumik missingersuutitaqassaaq, nammineq aningaasartuutiginiakkat allalluunniit tapiissutiginiagaat tamarmik allassimassallutik. Qinnuteqaatigineqartut aningaasat qassiunissaat minnerpaaffeqaratillu annerpaaffeqanngillat.

Tapiissuteqarnermut atatillugu allakkiami suliniummi sorpiaat tapiiffigineqarnerisut erseqqissarneqarsimassapput, siunertaminnut atorineqartussaammata. Tapiissutit allamut atorineqassagaluarpata NAPA akuersissummik tunniusseqqaassaaq. Suliniut qinnuteqaammi allassimasoq malillugu pinngitsoorpat, tapissutit utertinneqassapput.

Piffissarititaq

Suliniummi piffissaliusaaq ukiut marluk iluaniissaaq, ukiut marluk sinnernagit. Suliniut ukioq ataaseq sinnerlugu ingerlaniarpat 100.000 kr.-inillu tapiiffigineqarsimalluni, NAPAp tapiissutit ukiunut marlunnut avillugit tunniuttarsinnaavai.

3 Aallussami allaffissornikkut aqutseriaaseq

NAPAp akisussaaffii pisussaaffiilu

NAPAp kulturimut tapiissutigisartagai Nunani Avannarlerni Ministerit Siunnersoqatigiivisa ukiumoortumik akuersissummik allakkiaanni takuneqarsinnaasarput. NAPAmi qulakkeerneqassaaq tapiissuteqarnissamut piunasaqaatigineqartut malillugit eqqortumik akissuteqartoqartarnissaa, ingerlatsisoqartarnissaa aamma tapiissutinik ataqatigiissaarisooqartarnissaa. Siunnersuisooqatigiit siunertatut allakkiaanni allassimasut najoqqutarineqassapput.

NAPAmi siulersuisut malittarisassat malillugit kulturimut immikkut tapiissutigisartakkat atorineqarnerat nakkutigisassaraat. Taamaattumik siulersuisut pisinnaatitaaffilerneqarnikuupput aningaasat siunertamut atorineqarnerat qulakkeerniassallugu, qinnuteqaatit suliarissallugit tapiissutinillu agguassissallutik.

NAPAp pisortaata suliap ingerlannissaa akisussaaffigaa (tapiissutigut atugassarititat, nalunaarsuusiat nassuiaasiernerillu), kiisalu aningaasanik tapiissutinik agguanerup eqqortumik ingerlanissaa.

Ingerlatseriaaseq

Qinnuteqaat

100.000 DKK ataallugit qinnuteqarnermi

Qinnuteqaatit taakku qaammatit marluk iluini suliarineqartarput taamaattumillu suliniut aallartitsinnagu qaammatinik marlunnik sioqqutsilluni qinnuteqartoqartassaaq.

100.000 DKK-nik sinnerlugilluunniit qinnuteqarnermi

Qinnuteqaatit taakku minnerpaamik qaammatini marlunni nalilersorneqartarput akineqartarlutillu. NAPAp siulersuisui ukiumut marloriarlutik naapeqatigiittartut naliliisuusarput. Naapittarput marsimi aggustimilu – taamaattumik qinnuteqaatit NAPAmut kingusinnerpaamik januaarip juunillu aallaqqaataatinnagu tunniunneqareersimassapput.

Suliarineqartarneri

Qinnuteqaatit tamakkerlutik nalunaarsorneqartarput suliniutitullu immikkut normulerneqarlutik. Qinnuteqaatit piunasaqaatit malillugit tamakkiisumik suliaasimasut isummerfigineqartussanngorlugit ingerlateqqinneqartarput qinnuteqaatilli amigaateqartut, soorlu piffissaligaasimanngitsut, suleqatigisanut isumaqatigiissutinik ilanngussisimanngitsut aningaasaqarnikkullu paasissutissanik amigaatillit, assigisaanilluunniit, paasiniaaffioqqaartarput immaqalu siunnersorneqaqqittariaqartarlutik.

NAPAp qinnuteqaatit qinnuteqaat immersugassaaq NAPAp nittartaagaaniittoq atorlugu qinnuteqaasiat kisiisa suliarisarpai.

Qinnuteqaatit ukiup qinnuteqarfiusimasup iluata ingerlanerani akineqartarput.

Qinnuteqaatit 49.999 DKK tikillugu aningaasartallit NAPAp pisortaata nalilersortarpai.

Qinnuteqaatit 50.000-99.999 DKK akornanniittut NAPAp pisortaata siulersuisut siulittaasuatalu nalilersortarpaat.

Qinnuteqaatit 100.000 DKK-nik sinnerlugilluunniit amerlassusillit NAPAmi siulersuisut tamakkerlutik nalilersortarpaat.

Qinnuteqaatit 50.000 DKK-nik sinnerlugilluunniit amerlassusillit NAPAmi pisortap naliliinissamut tunngavissamik siunnersuusiaq ilanngullugu siulersuisut siulittaasuannut imaluunniit siulersuisunut tamanut saqqummiuttarpaa, apeqqutaalluni qinnuteqaat qanoq annertutigisoq.

Tapiisoqarnissaa aalajangerneqaraangat allakkiat suliniummut sumut tunngassuteqarnersut aamma aningaasat qassit tapiissutigineqarnersut nassuiarlugu qinnuteqartumut nassiunneqartarput, tapiissutit qanoq ilillutik tigussaneraat ilanngullugu ilisimatitsissutigineqartarluni aamma siunertamut sumut tunngatillugu atugassaanersut ilanngullugu.

Tapeeriaaseq nutaaq

Aningaasaliinerit ima pisassapput:

Tapiissutit 50.000 koruunit inorlugit: Tapiissutit 100 %-ii taperneqarnermut atatillugu allakkiat qinnuteqartumut apuunnerani tunniunneqartassapput.

Tapiissutit 50.000 koruunit sinnerlugit: Tapiissutit 85 %-ii taperneqarnermut atatillugu allakkiat qinnuteqartumut apuunnerani tunniunneqartassapput, sinnerilu 15 %-it nalunaarusiaq tiguneqareerpat tunniunneqartassallutik.

Tapiissutit 100.000 koruunit sinnerlugit: Tapiissutit 75 %-ii taperneqarnermut atatillugu allakkiat qinnuteqartumut apuunnerani tunniunneqartassapput, sinnerilu 25 %-it nalunaarusiaq tiguneqareerpat tunniunneqartassallutik.

Tapiiffigineqartunut piunnaasaat atugassarititat

Suliniuteqartut NAPAp kulturimut tapiissutaanik aningaasaliiffigineqartut ima pisussaaffilerneqartarput:

- NAPAp ilisarnaataa sunulluunniit naqitaminnut ersitsillugu ilanngunneqassaaq
- Tusagassiuutinut nalunaaruteqassagunik nutaarsiassaqarfinnilluunniit apersorneqassagunik NAPAp eqqaaneqassaaq
- Suliniut naammassipat kingusinnerpaamik qaammat ataaseq qaangiutsinnagu suliniut pillugu naliliineq aningaasallu qanoq atorneqarsimanerat nalunaarusiorneqassaaq. Allakkiami tapiissutinik akuerineqarnermut atatillugu nassiussimasani qaqugukkut nalunaarusiorneqassaaq allassimasassaaq.

NAPA aningaasaliinermigut imminut pisinnaatitaaffilerpoq suliniutit taperneqarsimasut pillugit suliatik pillugit avammut ilisarititsinermi atorsinnaatitaallugit.

Attuumavallaartoqartillugu

Kulturikkut suliniutilinnut taperneqarnissamik qinnuteqarsimasut NAPAmi attuumavallaartoqartillugu suliarineqarsinnaanngikkaangata Nunat Avannarliit Ministeriisa Siunnersoqatigiivisa tassungarpiq maleruaqqusaat- nalunaarut 15-00768-20 atuuttarpoq.

Attuumavallaarnermik naliliinerit makkuupput:

1. Qinnuteqartoq inuttut aningaasannassinnaanissaminut imminut aqutissiuuttuusimasoq imaluunniit tapiiffigineqarnissamut allatut eqqarsaatipiloqarsimasoq imaluunniit qinnuteqaassisimasoq privatinik, inatsisilerituunik imaluunniit naalagaaffiup suliffiutaa sinnerlugu aqutigaluguluunniit qinnuteqaassisimasoq naliliinermi peqataassanngilaq.
2. Qinnuteqartumut aappaaguni, ilaqlutaaguni, inuttulluunniit qinnuteqartumut aningaasaqarnikkulluunniit attuumassuteqartoq, allalluunniit sinnerlugit

- qinnuteqaassisuusimasuuguni, inuinnaq, inatsisileritooq naalagaaffiulluunniit suliffeqarfiutaaneersoq, naliliinermi peqataassanngilaq.
3. Qinnuteqartoq aqutsisunut ilaaguni imaluunniit suliffeqarfimmut, peqatigiiffimmut, inatsisilerituulluunniit arlaannut qanimut attuumassuteqaruni, imaluunniit aamma kattuffimmut, siulersuisunut Nunalluunniit Avannarliit Ministeriisa Siunnersuisoqatigiivnut attuumassuteqaruni, tapiissutinulluunniit pissarsinissamut soqutigisaqataasimaguni naliliinermi peqataassanngilaq.
 4. Qinnuteqarnermi suliniut nakkutilliinermut misissueqqissaarnermulluunniit tunngasuuppat qinnuteqartoq naliliinermi peqataassanngilaq - kattuffiit, suliffeqarfiit, suleqatigiissitat, siunnersuisoqatigiit imaluunniit Nunani Avannarlerni Ministerit Siunnersuisoqatigiivisa ingerlatsivii uani pineqarmata, taakku arlaanni nalileeqataasimasooq iliuseqataasimasorlunniit peqataassanngilaq.
 5. Minnerpaakkulluunniit pasinartulik pequtissalimmillu peqataatinneqarsinnaannginneranik takussutissalik qinnuteqaammik naliliinermi peqataassanngilaq.

Attuumassuteqarpallaartut naliligaagaanni, nalunaarummi § 7-mi ima allassimasooq malinneqassaaq: "aalajangiisussatut inissisimasooq eqqartukkamut attuumassuteqarpallaartoq aalajangeeqataassanngilaq, aalajangiinermi peqataassanngilaq, imaluunniit eqqartorneqartumut atatillugu sutigulluunniit ilaatinneqassanngilaq".

4 Suliniutip inerneril naliliiffigineqarnerilu

Ministerit Siunnersuisoqatigiivnit NAPAmut tunngatillugu akuersissutit ukiumoortumik allaganngorlugit takkuttartuni anguniakkat suuneri allassimasarput. Anguniakkat inerneril ukiup ingerlanerani ingerlaavartumik malinnaaffigineqartarput, soorluttaaq aqutsisoqatigiinni qaqinneqartartut aamma ukiumoortumik nalunaarusiorluni ataatsimiinnerni eqqartorneqartartut. NAPAp ukiumoortumik nalunaarusiaani kulturikkut suliniutilinnut tapiissutit inaarutaasumik nalilersorneqartarput.

Pitsaassutsimut amerlassutsimullu takussutissat

NAPAp kulturimut tapiissutaasa pitsaassusaat amerlassusaallu anguniakkanut naapertuunnerannik aamma nalileeriaatsimik takussutissiipput. Takussutissat tapiissuteqarnissamik aqqissuussap iluaqutaassusianik aamma aqqissuussap nunanut avannarlernut toqqammavimmigut qanoq naleqartigineranik takutitsivoq.

Takussutissiisut

- Qinnuteqaatit amerlassusaat
- Akuerineqartut amerlassusaat
- Itigartinneqartut amerlassusaat
- Qinnuteqaatigineqartut aningaasanngorlugit amerlassusaat
- Tapiissutigineqartut aningaasanngorlugit amerlassusaat
- Arnat angutillu agguataarneri
- Siullermeersumik qinnuteqartut amerlassusaat
- Suleqatigisani pingaarnepaat
- Nunanit peqataasunit pingaarnepaat

Taperneqartut qinnuteqaasiaasa, nalunaarusiornerisa aamma malitseqarnerisa katersornerisigut pitsaassusaat amerlassusaallu aamma nalunaarsorneqassapput.

Inerneril NAPAp ukiumoortumik nalunaarusiaani takuneqarsinnaapput.

5 Oqaatsitigut politikki

NAPAp oqaatsit tungaatigut politikiani ima allassimasoqarpoq: "Skandinaviamiut" oqaasiinik eqqartuinnermi pineqartarput svenskisut, norskisut qallunaatullu, taakku sanitigut finlandimiusut, islandimiusut aamma kalaallisut.

Qinnuteqariaaseq

Qarasaasiaq aqqutigalugu qinnuteqaasiormi oqaatsit uku atorneqarsinnaapput: qallunaatut, kalaallisut tuluttullu.

Qinnuteqaatit

Qinnuteqaasiormi skandinaviami, kalaallisut tuluttulluunniit oqaatsit atorneqarsinnaapput.

Atsioqatigiinnikkut Isumaqatigiissuteqarneq

NAPAp suliniummik aqutsisullu atsioqatigiinnerisigut isumaqatigiissusiortoqassaaq, atsiugarlu Skandinaviamiusut tuluttulluunniit oqaasertaligaasarpoq.

6 Attaveqaqatigiinneq, paasissutissiineq siunnersuinerlu

NAPAp paasissutissiinnermut atatillugu pingaarnertut makku anguniarpai:

1. Kulturimut tapiissutaasartut pillugit nunani avannarlerni kulturimik suliniutilinnut toqqaannartumik paasissutissiisoqassaaq qinnuteqarnissamullu piukkunnaatilinnut ullut kingusinnerpaamik qinnuteqarfissat ilisimatitsissutigineqassallutik
2. Nunat Avannarliit akornanni kulturikkut suleqatigiinnermik nalinginnaasumik paasissutissiisoqassaaq
3. Suliniutit suut taperneqarnissamik akuerisaasimasut pillugit paasissutissiinerit
4. Kulturimut tapiissutit qinnutigineqarsinnaasut iluaqutaassusaat inernerilu pillugit paasissutissiisoqassaaq

Paasissutissiissutit qallunaatut, kalaallisut tuluttullu allannillit naqinneqartarput NAPAlu oqaatsit atorneqartut atorlugit siunnersuisinnaajumaarluni.

Nittartagaq

NAPAp kulturimut tapiissutaasa siunertaat pillugu quppersagaliaq, najoqqutassat qinnuteqarnermilu immersugassaq NAPAp nittartagaanun uunga iserluni takuneqarsinnaapput: <https://www.napa.gl/sog-napa/>

Aamma suliniutit NAPAmi taperneqarsimasut allattorsimaffiat takuneqarsinnaavoq.

Facebook

NAPAp kulturimut tapiissutaasa siunertaat tamanit ilisimaneqaleqqullugu - isiginnaagassiaaqqanik, suliniutit inernerinik aamma piffissat kingusinnerpaamik qinnuteqarfissat – facebookimut ikineqartassapput aamma suliniuteqarsinnaasut toqqaannartumik ilisimatinneqartassallutik.

Imminut ilisaritinnerit paasissutissiisarnerillu

NAPAp kulturimut tapiissutaasa siunertaat aamma Nunani Avannarlerni aningaasaateqarfiit tapiisartullu pillugit NAPA ukiut tamaasa paasisiniaalluni aaqquissuussisarpoq.

Kulturimik suliniutilinnut pulaarnerit

NAPAp kulturimut tapiissutaasa qanoq atorneqarsinnaanerit pillugu NAPA ukiut tamaasa kalaallit kulturimik suliniuteqartarfiinut arlalinnut periarfissanik paasisitsiniaajartortarput.

Nunani Avannarlerni Ministerit Siunnersuisooqatigiit piorsarsimassutsikkut attaveqaataat

NAPAp kulturimut tapiissutaasa Kalaallit Nunaata avataanit ilisimaneqarnerulernissaa anguniarlugu
NAPAp Nunani Avannarlerni illut attaveqaataasut suleqatigai.